

Sura - Takarda Kì-Naan - Spiritual Warfare Intro Scriptures

Luk 17:5 Jeplop ni mo sat nDaa nee, "A cín cínzeen díki-mmun."

Rom 10:17 Ni aasi, cínzeen ni j`i a mpeedi gurum mo kílingpo ni, ki-a po ncaa Jesu Kristi.

Luk 11:1 Parmee puus, kaadi Jesu ncaa c`in aduwa mmeepree, be abwoon di wuri ki-kyes c`in aduwa ni, be memee ndighin jeplop firri mo, sat nwuri nee, "Daa, a kám c`in aduwa mmun, kaadi Joon kám c`in aduwa nyemlop firri mo si."

1 Timoti 2:1-4 Mbii dín nshee ni, be wan sat nwugha nee, wu dang, ki-c`in aduwa, ki-pilang Naan mpee gurum mo jir. 2 Mpee mishkaghām mo, ki-mpee nyem diinan-nan mo jir, mpeku mu katpee tongriyang di ndighin seen diisi jir, ki-kiir Naan, ki-mwaan dín ndire zak. 3 Diisi ni ret, ki-ni dee a mbii diililap nyit ki-Naan Ngubam funu. 4 Wuri di wuri ribet ku gurum mo jir mo kat bam, ki-mo man zeen ni di zak.

Luk 22:31 "Simon, Simon! A naa Shetan wuri ki-tangpee mpee kyam wun, kaadi moo pus kàss si.

Zakariya 3:1,2 - Juud 1:9 Mbii di koo a Makiyel di wuri a ngo diides mu nyemlop ki-Naan mo, ba wuri mak sat ni kas. Kaadi gyet Makiyel ki-Shetan mon njighir ncaa kúm ki-Mosis, be ba Makiyel mak wangpo, mpeku wuri kàss Shetan di kas, amma wuri sat nee, "a Daa wurin ngwak wugha dak."

Afisus 6:12 Mpeedi ba muu c`in lek ni a ncaa gurum mo, di moo nan ki-toghom kas, amma ni a ncaa mulki, ki-nyem iiko di mo a mu Shetan mo, ki-ncaa mulki ki-nyem peenkoo dín ndighin dengnaan mo.

Afisus 6:10,11 Peekyes ni, wu dar bal-bal ndighin Daa ki-ndighin iiko mu diides firri. 11 Wu jwal leelek di Naan wuri cín mo nwun jir, mpeku wu mak dar di bal-bal ncaa Shetan ki-numpee firri.

Afisus 6:13-17 Mpeemini, be wu jwal leelek di Naan wuri ncín wun, mpeku wu dar di bal-bal ndighin teer diibish mo. Mpeku taji Shetan wuri se koghorong ncaa wun kas. 14 Wu dar bal-bal shi dak suk, ki-bwaghat bwoon fuu mo shi zeen, ki-c`in mbii dín ndire mo, kaa kawung di nii fwang tughur ngurum si. 15 Wu jwal kwaghazak nshii fuu mo, mpee satpo diiret, di nii j`i ki-tongriyang. 16 Koo pirang ye, be wu mang kawung di ni a cínzeen ashak ki-wun, mpee fwang pas mu wus di gwar diibish ni wurin mpwas j`i ncaa wun. 17 Wu mang bam di Naan wuri c`in nwun, kaa mbiikáa shaghāl di nyemlek moo lop mpeku ni fwang káa di mmo si. Ki-wu dyel po ki-Naan ni, kaa kwai dii Riin Diibang wuri cín nwun si.

Hiburu 4:12 Po ki-Naan ni ki-seen, ki-nii c`in dak bal-bal. Ni se met nkhai di nii see koghop vul. Ni mak canpee di seen ki-riin moo kaat di, ki-ni mak canpee

dī kwak mo kaat dī kī-nv`el. Kī-nii tokdiyeel mpan kī-kyaghar mu putughup mu gurum mo.

Luk 4:8 Jesu lap nShetan nee, "Mo kī-ten ran ndighin takarda kī-Naan nee, A seyil nDaa Naan fugha, kī-a wuri mīndong dī wughan nc`in dak nwuri bejee!"

Afisus 6:18 Wu c`in aduwa, kī-dang mpee mbii dīisi mo shidaar-shidaar ndighin Riin. Wu tong shi gongpee, kī-zak, wu gung ndighin mbii mo jir. Wu c`in aduwa mpee nyem kī-Naan mo jir.

1 Samuwel 17:45-47 - Devid & Goliath

Luk 10:17-20 Nyem dīi si mo baaj`i pu Jesu dī shi retnyit, be mo sat nee, "Daa, har koo a riin dīibish mo, be mo kīr mun, kaadī mu satpo mmo ndighin sum fugha." 18 Wuri lap mmo nee, "Di kīn naa Shetan wurii tong adeng sham tāa nkaa yil ni kaa yindek si. 19 Wu naa, wan kīn cīn iiko nwun, mpeku wu tīreng nw`oo mo kī-dīghīr mo, kī-bal nkaa shaarlek mo jir zak, ba mon mmak c`in mee mbii nwun, koo mo lejeel nwun kas, koo diben. 20 Amma taji wu c`in retnyit a mpeedi riin dīibish mo kīr wun, kaadi wu satpo mmo si kas, amma wu c`in retnyit a mpeedi mo kī-ran sum fuu mo ndighin dengnaan."

2 Korinti 10:3-5 Koo dī muu tong a ndighin yil ni, be mbii dī mun nkaa c`in lek mpee ni, ba ni a mu yil dīisi kas. 4 Leelek dī muu c`in lek dīshik, ba ni a mu yil dīisi kas. Amma leelek funu ni a iiko mu Naan, dī nin mmak shirip fwang dīibal mo. 5 Muu shirip po kī-nyem dī moo j`i kī-mbii langkāa nkaa man kī-Naan, kī-zak, muu shirip koo a fwang mu roghop dīidang ye dī nii daam man Naan ngurum mo. Kī-muu le ku koo a pan kī-weye, be ni c`in dyen kī-Kristi dī zak.

2 Timoti 1:7 Ba Naan wuri c`in a riin mu kīrmuut mmun kas, amma a riin dī ni cīnbal kī-wal, mpeku mu tap dī kī-kāa funu mo.

Matiyu 12:28,29 Amma katdang wan kīn ceen riin dīibish mo a shi iiko mu Riin kī-Naan, be mulki mu Naan ni j`i pe wun dī ndīisi. 29 Cirang gurum mmak del nlu kī-mee ngubal, ku wuri hīr long kī-ngubal ni, katdang ba wuri kī-shee bwaghat ngubal ni akudang kas ye? Abwoon mīni, be wurin mmak hīr long nlu kī-ngubal ni.

Afisus 1:13 A wuwun zak, wu dee a nyem kī-Naan mo kaadī wu kīllingpo dī azeen ni. Po dīiret dī ni j`i bam wun, kaadī wu cīnzeen nKristi si, be Naan wuri kī-le stam fīri nkaa wun, ku wu dee dī a mīri. Kaadī wuri cīn Riin Diibang ni nwun ntīit-ntīit kī-mbii dī wuri kī-ten sat si.

Dak 19:6 Pool lesar fīri nkaa mo, be Riin Diibang sham nkaa mo, har mo katpo shi līpo dīici mo, kī-mo satpo kī-Naan ngurum mo.

Maak 16:15-18 Jesu wuri sat mmo nee, "Wu so ndighin yil ni jir, kī-wu satpo dīiret dī ngurum mo jir. 16 Ngo dī wuri cīnzeen, kī-mo c`in baptisma wuri zak, be wurin nkāt bam, amma ngo dī wuri kwar cīnzeen, be mon ncandiyeel muut nwuri. 17 Mon nnāa mbii aapo dīisi mo pu nyem dī mo cīnzeen nwān. Mon ncīn iiko mmo mpee ceen riin dīibish mo ndighin sum fīna. Mon nkātpo shi liispo mo shini-shini. 18 Katdang mo yak nw`oo mo, koo mo shwaayen tupee

be ba nin nc`in mee mbii mmo kas koo diben. Mon nlesar furu mo nkaa nyemgok mo be mon mbar."

1 Joon 1:9 Katdang mu woo shikbish funu mon nNaan, be Naan wurii dar nkaa mbii dì wuri kì-ten sat, kì-wurii c`in mbii ndìre, wurin nfwo shikbish funu mo jir, kì-wurin nwwang mun ndìghìn mbii diibish mo jir.

Zabura 109:17 - Jemis 3:10 Po mu kwoop, kì-po mu kàss, moo pwat a ndìghìn po dìimindong. Dyemnaa mo, mbii kaa diisi si, ba ni ret kas.

Nyemtokdiyeel 16:16 - 2 Pita 2:7,8 Gyet ntiit kì-mìni, be wuri bam Lot dì gyet wuri a ngo dìin ndìre. Gyet shikbish dì gurum mo c`in, ni fes daampee mputughup fìri zam, mbii diibish dì gyet nyemdiibish diisi moo c`in. 8 Lot wuri a ngo dìin ndìre. Gyet wuri tong ashak kì-nyemshikbish diisi ni mo, wuri naa mbii diibish dì moo c`in shidaar-shidaar, kì-gyet wurii killingpo kì-mo diibish ni mo shidaar-shidaar zak. Shikbish dì das mìni mo c`in ni, ni fes wat putughup nwuri zam, mpeedi gyet wuri a ngo dìin ndìre.

Afisus 4:26 Katdang wu langtughup, be taji wu c`in shikbish kas. Taji puus shamru, be wun dì nkaa langtughup kas.

Rom 14:12 Mpeemìni, be koo a weye ndìghìn mun wurin ndar ntoghom kì-Naan, ku wuri sat mbii dì wuri kì-ten c`in mo dì jir, shikáa fìri.

1 Joon 2:23 Jir ngo dì wuri kwar Làa ni, be ba gwar mìni wuri kì-Naan puun ndìghìn putughup fìri kas. Jir ngo dì wuri lap Làa ni, be gwar mìni kì-lap Naan puun ndìghìn putughup fìri mìni zak.

Joon 14:6 Jesu sat nwuri nee, "Wan a ar, a wan azeen, kì-wan a seen, ba mee gurum mak so pe Daa Naan dì kas, see wuri shee j`i pe wan dì akudang.

Matiyu 11:28-30 Wu j`i pe wan dì jir, wun nyem dì wuu c`in dak, kì-lee nii toghon nwun zak, be wan ncín nookdì nwun. 29 Wu del mbut dak fìna, ku wu kám shiimwaan fìna dì, mpeedi wan a ngusham kì-káa fìna, kì-wan kìn tap c`in mbii mo a mbut dyen. Katdang wu del mbut dak fìna, be wun nkat nookdì mpee seen fuu mo. 30 Mpeedi ba dak fìna ni luk kas, kì-lee fìna ni a diifiyeel zak."

2 Korinti 6:2 Wu killing mbii dì Naan wurii kì-sat nee: "Kaadi pee mu c`in diiret ni wul, be wan nc`in diiret nwugha. Kaadi puus bam ni j`i wul, be wan mbam wugha zak." Azeen-nzeen wan sat nwun nee, cicinsi ni a pee mu lap diiret mu Naan! Ki-zak, cicinsi ni a puus mu kat bam pe Naan dì.

Rom 10:13 "Koo a weye dì wuri petsum kì-Daa, be wurin nkat bam."

Exodus 20:5 - sin cursed to 3 & 4 generations